

# Nappaatit tunillaassortut akiorniarlugit iliuutsit pillugit Inatsisartut inatsisaat

## Kapitali 1

*Atuuffia*

**§ 1.** Nappaatit § 2-mi taaneqartut nunami maani nungusarnerisigut imaluunniit pinaveersaartinnerisigut, siaruarnissaasa eqqunneqarnissaasaluunniit pinngitsoortinnerisigut, siaruatsaalinerisigut killilersimaarnerisigullu inuiaqatigiinnik inunnillu ataasiakkaanik illersuinissaq siunertaralugu iliuusissat Inatsisartut inatsisaanni taaneqartut aallartinneqarsinnaapput.

**§ 2.** Inatsisartut inatsisaanni nappaatit tuniluuttartut, nappaatit inunnut nalinginnaasumik ulorianartut nappaatillu inuiaqatigiinnut aarlerinartorsiortitsisut pineqarput.

*Imm. 2.* Nappaat tuniluuttartoq tassaavoq nappaat imaluunniit peqqissutsikkut atugarisaq, tappiorannartunit nappaateqalersitsisartuniillu allanit, inunnit, inunnut imaluunniit inuit akornanni tunillaassuussinnaasumit pilersartoq.

*Imm. 3.* Nappaat inunnut nalinginnaasumik ulorianartoq tassaavoq nappaat tuniluuttartoq, annertunerusumik tunillaassuussinnaasoq, annertuumik toqqutasartoq, ulorianartumik ataavartumilluunniit ajoqusiisinnaasoq aammalu:

- 1) katsorsaanermik, napparsimalluni takkutinngitsoornermik imaluunniit piffissami sivisunerusumi piginnaangorsaanermik kinguneqarsinnaasoq,
- 2) inuit peqqissusaannut annertuumik ulorianartorsiortitsisumik siaruarujussuarsinnaasoq, imaluunniit
- 3) sunniuteqarluartumik pinaveersaartitsisoqannginnerra katsorsaasoqannginneraluunniit pissutigalugu annertuumik kingunerlutsitsisinnaasoq.

*Imm. 4.* Nappaat inuiaqatigiinnut aarlerinartorsiortitsisoq tassaavoq nappaat inunnut nalinginnaasumik ulorianartoq, siarunermigut inuiaqatigiinni pingaaruteqarluinnartunut sakkortuumik ajoqusiisinnaasoq imaluunniit ajoquseeratarsinnaasoq.

*Imm. 5.* Naalakkersuisut Nunatta Nakorsaaneqarfianit inassuteqartoqareerneratigut imm. 2-mi aamma 3-mi nappaatit sorliit pineqarnersut pillugit malittarisassanik erseqqinnerusunik aalajangersaassapput.

*Imm. 6.* Naalakkersuisut Tunillaassortunik Nappaalanersuaqarneranut Ataatsimiititaliarsuaq siunersiueqatigereerlugu, imm. 4-mi nappaatit sorliit pineqarnersut pillugit malittarisassanik erseqqinnerusunik aalajangersaassapput.

*Imm. 7.* Kinguaassiutitigut nappaatit Inatsisartut inatsisaanni ilaatinneqanngillat.

*Imm. 8. Naalakkersuisut tunillaassortumik nappaalasoqalernerani atuarfiit paaqqinnittarfiillu atugaat pillugit malittarisassat aalajangersarneqarsinnaapput, atuarfinni suliffeqarfinnilu tunillaassuuttussatut immikkut aarlerinaatilinnut aamma atuutsinneqalersinnaallutik.*

## **Kapitali 2**

*Nappaatit inuiaqatigiinnut aarlerinartorsiortitsisut siammarnissaannut pinaveersaartitsilluni suliniutinut iliuutsinullu akisussaaffik*

*Tunillaassortunik nappaalanersuaqarneranut ataatsimiititaliarsuaq*

**§ 3.** Naalakkersuisut Tunillaassortunik Nappaalanersuaqarneranut Ataatsimiititaliarsuarmik, nammineq ingerlatsinermigut imaluunniit Naalakkersuisunit qinnuigineqarnermigut nappaatip inunnut nalinginnaasumik ulorianartup, iliuuseqarfingineqannginnermigut nappaatitut inuiaqatigiinnut aarlerinartorsiortitsisutut ineriertorsinnaasutut ilimagineqartup iliuuseqarfingineqarnissaa aamma nappaatip inuiaqatigiinnut aarlerinartorsiortitsisup iliuuseqarfinginissaa pillugit ataqatigiissumik siunnersuisussamik pilersitsissapput. Tunillaassortunik Nappaalanersuaqarneranut Ataatsimiititaliarsuup matumani Naalakkersuisut inatsit manna naapertorlugu malittarisassanik aalajangersaassasut imaluunniit malittarisassanik aalajangersarneqareernikunik allangortitsissasut atuukkunnaarsitsissasulluunniit inassuteqarfingisinnaavai.

*Imm. 2. Tunillaassortunik Nappaalanersuaqarneranut Ataatsimiititaliarsuaq pisariaqartitsineq naapertorlugu katersuuttassaaq. Tunillaassortunik Nappaalanersuaqarneranut Ataatsimiititaliarsuaq tamatuma saniatigut ukiumut ataasiarluni ataatsimiittarpoq.*

*Imm. 3. Tunillaassortunik Nappaalanersuaqarneranut Ataatsimiititaliarsuarmi uku ilaapput:*

- 1) Nunatta nakorsaanera,
- 2) Naalakkersuisut Siulittaasuata Naalakkersuisoqarfianit naalakkersuisoqarfimmi pisortaq, peqqissutsimut, inuussutissarsiornermut, attaveqaatersuutinut, ilinniartitaanermut ulluuneranilu paaqqinnittarfimmut kiisalu aningasaqarnermut naalakkersuisoqarfinni pisortat,
- 3) Politiit pisortaat,
- 4) peqqinnissaqarfimmi pisortaq, kiisalu
- 5) ilaasortaq ataaseq , kommuninit ataatsimut toqqarneqartoq.

*Imm. 4. Kommunit kina ilaasortassatut innersuussutigissanerlugu isumaqatigiissutigisinnaanngikkunikku kommunit tamarmik immikkut inummik 1-imik Tunillaassortunik Nappaalanersuaqarneranut Ataatsimiititaliarsuarmut innersuussisinnaapput. Naalakkersuisut tamatuma kingorna kommunit ilaasortassatut innersuussutigisaasa akornanni ataatsimik toqqaassapput.*

*Imm. 5. Kommunit sinnerlugit ilaasortaasoq communalbestyrelsimut ilaasortaaqqusaanngilaq.*

*Imm. 6. Tunillaassortunik Nappaalanersuaqarneranut Ataatsimiititaliarsuarmi ilaasortaq peqataasinnaanngikkuni ilaasortaq sinniisuminik peqataatitaqarsinnaavoq.*

*Imm. 7. Tunillaassortunik Nappaalanersuaqarneranut Ataatsimiititaliarsuaq ataatsimiinnernut peqataasussanik oqartussaneersunik allanik attuumassutilinnik qaaqqusisinnaavoq.*

*Imm. 8. Peqqissutsimut Naalakkersuisoqarfimmi naalakkersuisoqarfipup pisortaa Tunillaassortunik Nappaalanersuaqarneranut Ataatsimiititaliarsuarmi siulittaasuuvooq Tunillaassortunillu*

Nappaalanersuaqarneranut Ataatsimiititaliarsuarmut allattoqarfimmik pilersitsinissamik isumaginnittuussalluni.

*Imm. 9.* Nunatta Nakorsaaneqarfianit nappaatip siaruaannerata ineriarornera il.il. pillugit paasissutissat kiisalu peqqissutsikkut ilisimasat tunngavigalugit tamatumannga nalilersuinerit Naalakkersuisunut siunnersuinermut inassuteqarnermullu tunngavinni takuneqarsinnaassapput.

*Imm. 10.* Naalakkersuisut suleriaatsimut Nappaalanersuaqarneranut Ataatsimiititaliarsuup sulineranut malittarisassanik erseqqinnerusunik aalajangersaasinnaapput.

**§ 4.** Pisortani oqartussat Nunatta Nakorsaaneqarfia oqartussallu allat, Inatsisartut inatsisaat manna malillugu suliassanik tullinnguuttunik isumaginnittut ikiussallugit pisussaaffigaat:

- 1) pisussaatitaaffit piginnaatitaaffillu Nunatta Nakorsaaneqarfianut oqartussanullu allanut Inatsisartut inatsisaat manna malillugu tunniunneqarsimasut isumagissallugit, aamma
- 2) iliuusissat Nunatta Nakorsaaneqarfianut oqartussanullu allanut Inatsisartut inatsisaat manna malillugu tunniunneqarsimasut naammassisallugit.

*Imm. 2.* Suleqatigiiffit namminersortut, ingerlatseqatigiiffit inatsisitigullu pisinnaatitaasut pisussaatitaasullu allat pisuni immikkut ittuni Naalakkersuisut erseqqinnerusumik aalajangersagaat malillugu oqartussaasut suliassanik isumaginninnerannik ikorsinnaavaat, Inatsisartullu inatsisaat manna naapertorlugu pisussaaffilerneqarsinnaallutik.

**§ 5.** Kommunalbestyrelsit nappaatit inunnut nalinginnaasumik ulorianartut inuiaqatigiinnulluunniit aarlerinartorsiortsit siaruarnissaannik pinaveersaartitsiniarlutik siaruanginnissaallu qulakkeerniarlugu iliuuseqassapput, tassunga ilanngullugu nappaatit taakku iliuuseqarfiginissaannut pilersaarusiussapput, aamma Nakorsaaneqarfiup oqartussallu allat iliuutsinik Inatsisartut inatsisaat naapertorlugu aalajangersarneqartunik imaluunniit matumani pineqartut naapertorlugin aalajangersarneqartunik suliaqarnerannik ikiussallugit.

**§ 6.** Kommunalbestyrelsi malittarisassat imm. 2 naapertorlugu aalajangersarneqartut malillugit innuttaasunik, tunillatsissimasutut upternarsarneqarsimasunik allallu peqqissusaat eqqarsaatigalugit inissiivimmi taama ittumi mattusimaneqarnissamut kajumissuseqartunut inissiivinnik atugassiissaq.

*Imm. 2.* Naalakkersuisut communalbestyrelsip imm. 1 malillugu akisussaaffi pillugit, tassunga ilanngullugit mattusimavinnik atugassiinissaq aamma mattusimavinnut innersuussisarnermut piumasaqaatit pillugit malittarisassanik erseqqinnerusunik aalajangersaassapput.

### Kapitali 3

*Inunnut ataasiakkaanut aamma inunnut ataasiakkaanut eqimattakkaanut iliuutsit*

*Piumasaqaatit nalinginnaasut*

**§ 7.** Kapitali manna malillugu iliuuseqarnerit tamarmik pisariaqartuussapput, sapinngisamik sivikitsuussapput iliuutsimillu siunertamut tunngatillugu naleqquttuussallutik. Iliuuserineqartoq akuliuffiunnginnerpaaq qajassuussinerpaarlut atorneqassaaq, tamanna siunertarineqartup anguniarnissaanut naammassappat.

*Imm. 2. Iliuutsip attanneqarnissaa pisariaqarunnaarpat iliuutsit atorunnaarsinnejassapput.*

**§ 8.** Nappaatit inunnut nalinginnaasumik ulorianartut imaluunniit inuaqtigiinnut  
aarlerinartorsiortitsisut pinaveersaartinniarlugit, siaruatsaaliorniarlugit piuneerutsinniarlugilluunniit §§ 9  
amma 10, § 11 imm.1, § 12 imm.1 amma § 13, imm 1 amma 2 malillugit peqqussutit inunnut  
ataasiakkaanut atuutilersinneqarsinnaapput, taamaattorli imm. 5 takuuk.

*Imm. 2. Nunatta Nakorsaaneqarfia imm. 1-imi aalajangersakkat eqqaaneqartut malillugit  
peqqussuteqartoqannginnerani inuk iliuuseqarfingineqartussatut eqqarsaatigineqartoq iliuuseqarnerup  
naammassisaaanut suleqataanissaanik piumaffigissavaa.*

*Imm. 3. Inuk iliuuseqarfingineqartussatut eqqarsaatigineqartoq paaqqinnittarfimm, katsorsaavimmi  
assigisaaniluunniit najugaqarpat najugaqarallarpalluunniit, suleqataanissaanik kajumissaarneqarnerata  
nalunaarutiginissaanut tunngatillugu Nunatta Nakorsaaneqarfia paaqqinnittarfik, katsorsaavik  
assigisaalluunniit qulakkeerinissasoq piumaffigissavaa. Suliffeqarfimm, katsorsaavimmi  
assigisaaniluunniit pineqartumi nammiq piumassaseq naapetorlugu peqataanissamut kaammattuut  
malinneqanngippat Nunatta Nakorsaaneqarfia tamatumingga piaarnerpaamik ilisimatinneqassaaq.*

*Imm. 4. Nunatta Nakorsaaneqarfia imm. 1-imi aalajangersakkat eqqaaneqartut malillugit  
peqqussummik nalunaaruteqartoqarneranut atatillugu peqqussutip nalunaarutigineqartup  
naammassisineqarnissaanik paaqqinnittarfik, katsorsaavik assigisaalluunniit qulakkeerinissasoq  
piumaffigissavaa.*

*Imm. 5. Nappaatip inunnut nalinginnaasumik ulorianartup inuaqtigiinnulluunniit  
aarlerinartorsiortitsisup pinaveersaartinneqarnissaa siaruatsaalineqarnissaalu pisariaqalerpat, Nunatta  
Nakorsaaneqarfianit inassuteqartoqarneratigut Naalakkersuisut inunnut ataasiakkaanut  
eqimattakkaanut, nappaammik inunnut nalinginnaasumik ulorianartumik inuaqtigiinnulluunniit  
aarlerinartorsiortitsisumik napparsimasunut imaluunniit nappaammik taama ittumik  
tunillatsissimasorisanut imm. 1 malillugu iliuutsinik aallartitsinissaq pillugu malittarisassanik  
aalajangersaasinnaapput.*

#### *Misissortinnissamut*

**§ 9.** Nappaatit inunnut nalinginnaasumik ulorianartut inuaqtigiinnulluunniit aarlerinartorsiortitsisut  
pinaveersaartinneqarnissaat, siaruatsaalineqarnissaat piuneerutsinneqarnissaalluunniit siunertaralugu  
Nunatta Nakorsaaneqarfia inuit, nappaammik inunnut nalinginnaasumik ulorianartumik  
inuaqtigiinnulluunniit aarlerinartorsiortitsisumik napparsimasut imaluunniit nappaammik taama ittumik  
tunillatsissimasorisat peqqissaanermik suliaqartumit misissortinnissaannik piumaffigisinnavaai.

#### *Napparsimavimmut unitsinneqarnissamut*

**§ 10.** Nunatta Nakorsaaneqarfia piffissami aalajangersimasumi inuit nappaammik inunnut  
nalinginnaasumik ulorianartumik inuaqtigiinnulluunniit aarlerinartorsiortitsisumik napparsimasut  
imaluunniit nappaammik taama ittumik tunillatsissimasorisat napparsimavimmut inissiivimmulluunniit  
allamut naleqquttumut, matumani § 9 malillugu misissortinnissaannut imaluunniit § 13 malillugu  
eqpiarneqarnissaannut atatillugu pisariaqarpat unitsinneqarnissaannik peqqusinnaavai.

*Imm. 2. Imm. 1 naapertorlugu peqqussut sapaatit akunnerini amerlanerpaamik 4-ni atuuttussangortinneqarsinnaavoq. Peqqussut tamatuma kingorna sivisunerpaamik sapaatit akunnerinik 4-nik sivitsorneqarsinnaassaaq.*

*Mattusimaneq*

**§ 11.** Nakorsaaneqarfiup kinaluunniit nappaammik inunnut nalinginnaasumik ulorianartumik inuiaqatigiinnulluunniit aarlerinartorsiortitsisumik napparsimasoq imaluunniit nappaammik taama ittumik tunillatsissimasorisaq inissiivimmi naleqquttumi piffissami aalajangersimasumi mattusimanissaanik peqqusinnaavaa.

*Imm. 2. Peqqussut sapaatit akunnerini amerlanerpaamik 4-ni atuuttussangortinneqarsinnaavoq. Peqqussut tamatuma kingorna sivisunerpaamik sapaatit akunnerinik 4-nik sivitsorneqarsinnaassaaq.*

*Katsorsaaneq*

**§ 12.** Nakorsaaneqarfiup kinaluunniit nappaammik inunnut nalinginnaasumik ulorianartumik inuiaqatigiinnulluunniit aarlerinartorsiortitsisumik napparsimasoq imaluunniit nappaammik taama ittumik tunillatsissimasorisaq, taassuma mattusimanera nappaatip siaruarnissaanut pinaveersaartitsinermut siaruatsaaliinergulluunniit naammanngippat piffissami aalajangersimasumi peqqissaanermik suliaqartumit misissortinnissaannik piumaffigisinnaavaa.

*Imm. 2. Imm. 1 naapertorlugu peqqussut sapaatit akunnerini amerlanerpaamik 4-ni atuuttussangortinneqarsinnaavoq. Peqqussut tamatuma kingorna sivisunerpaamik sapaatit akunnerinik 4-nik sivitsorneqarsinnaassaaq.*

*Eqqiaanissamut tunillaannartuaanissamullu*

**§ 13.** Nunatta Nakorsaaneqarfia tunillatsissimasunik imaluunniit tunillaassortumik timimiulinnik taakkununngaluunniit attaveqarsimasunik, tunillannartunik mingutsinnejqarsimasunik mingutsinnejqarsimasorineqartunilluunniit eqqiaanermik aallartitsisoqarnissaanik peqqusisinnaavoq.

*Imm. 2. Nakorsaaneqarfiup taamatuttaaq tunillannartut siaruarnissaat pinaveersaartinniarlugu inuit tunillannartumik mingutsinnejqarsimasorineqartut tunillannartumut misissortinnissaannik, illersuutinik assigisaannilluunniit atuinissaannik peqqusinnaavai.*

*Imm. 3. Naalakkersuisut Nunatta Nakorsaaneqarfia siunnersueqatigereerlugu inunnik eqqiaanissamut aamma misissortinnissamut, illersuutinut assigisaannulluunniit malittarisassanik erseqqinnerusunik aalajangersaasinnaapput.*

**§ 14.** Nunatta Nakorsaaneqarfia angallassissutinik allanillu aalaakkaasuunngitsunik kiisalu aalaakkaasunik il.il. tunillannartuaanissamik peqqusisinnaavoq.

*Imm. 2. Naalakkersuisut Nunatta Nakorsaaneqarfia siunnersueqatigereerlugu tunillannartuaanermut malittarisassanik erseqqinnerusunik aalajangersaasinnaapput.*

*Tamanut angallassissutit*

**§ 15.** Nunatta Nakorsaaneqarfia inuit nappaammik inunnut nalinginnaasumik ulorianartumik inuaqatigiinnulluunniit aarlerinartorsiortitsisumik napparsimasut imaluunniit nappaammik taama ittumik tunillatsissimasorisat tamanut angallassissutinik piffissami erseqqinnerusumik aalajangersarneqartumi atuinissaannik inerteqquteqarsinnaavoq.

*Imm. 2. Imm. 1 malillugu inerteqqut ullut arfineq-marluk tungaannut atuuttussatut nalunaarutigineqassaaq. Inerteqquteqarsinnaanermut piumasaqaatit suli eqqortinneqarpata piffissaq sivitsorneqarsinnaavoq.*

*Iliuutsit naammassinissaat siunertaralugu pissaanermik atuineq*

**§ 16.** Nunatta Nakorsaaneqarfia paaqqinnittarfimmit, katsorsaavimmit assigisaannilluunniit Nakorsaaneqarfia § 8, imm. 4 malillugu §§ 9, 10, 11 aamma 13, imm 1 aamma 2 malillugit iliuuseqaqqusimasaannit qinnuiginnittoqarneratigut iliuuserineqartup taama ittup naammassinissaattannissaalu siunertaralugit inummut iliuuseqarfingineqartussamat pissaanermik tullinnguuttutut ittumik atuisoqarsinnaasoq aalajangersinnaavoq:

- 1) Pineqartumik timikkut aalaakkiiineq, uninngatitsineq utertitsinerlu.
- 2) Pineqartup sumiiffigisaani ininik parnaarsuineq.

*Imm. 2. Ininik pineqartup sumiiffigisaanik parnaarsinermi pineqartup iniminngaanniit ikioqqusinnaanissa qulakkeerneqassaaq. Tamatuma saniatigut pineqartoq akuttungitsumik, sivikinnerpaamik akunnermut ataasiarluni sulisunit takusarneqartassaaq.*

*Imm. 3. Imm. 1, nr. 1 aamma 2 malillugit pissaanermik atuineq aamma imm. 2-mi oqaaseqatigiit aappaat naapertorlugit nakkutilliinermik nalunaarsuineq paaqqinnittarfimmut, katsorsaavimmut assigisaannilluunniit nalunaarsuiffimmut nalinginnaasumik atorneqartartumut ingerlaannartumik nalunaarsorneqassapput.*

*Imm. 4. Imm. 1 naapertorlugu aalajangiinerit inatsimmik allamik saneqqutsisinnaapput.*

*Politiit sulegataanerat*

**§ 17.** Kapitali manna malillugu inerteqquteqarneq peqqussuteqarnerlu pillugit malittarisassat maleruarneqarnissaat qulakkeerniarlugu malittarisassat atuuttut naapertorlugit politiit pissaanermik pisarialimmik atuisinnaapput.

**Kapitali 4**

*Inuaqatigiinnut iliuutsit*

*Piumasaqaatit nalinginnaasut*

**§ 18.** Kapitali manna malillugu iliuuseqarnerit tamarmik pisariaqartuuussapput, sapinngisamik sivikitsuussapput iliuutsimillu siunertamut tunngatillugu naleqquttuussallutik. Iliuuserineqartoq akuliuffiunnginnerpaaq qajassuussinerpaarlu atorneqassaaq, tamanna siunertarineqartup anguniarnissaanut naammassappat.

*Imm. 2. Iliuutsip attanneqarnissaa pisariaqarunnaarpat iliuutsit atorunnaarsinnejassapput.*

**§ 19.** Kapitali manna malillugu iliuutsit, nappaatip inuaqatigiinnut aarlerinartorsiortitsisup siaruarnissaa pinaveersaartinniarlugu siaruatsaaliniarluguluunniit aallartinneqarsinnaapput, taamaattorli imm. 2 takuuk.

*Imm. 2. Nappaat inunnut nalinginnaasumik ulorianartoq, iliuuseqarfigineqanngikkuni inuaqatigiinnut aarlerinartumik ineriertorsinnaasutut ilimagineqartoq pinaveersaartinniarlugu siaruatsaaliniarluguluunniit §§ 23, 24, 25 aamma 26 malillugit iliuutsit aamma aallartinneqarsinnaapput.*

*Inuit sumiiffimi ataatsimi arlaliunissaannik inerteqquteqarneq*

**§ 20.** Naalakkersuisut Tunillaassortunik Nappaalanersuaqneranut Ataatsimiititaliarsuaq siunnersueqatigereerlugu inuit sumiiffimi ataatsimi, tassunga ilangullugu annerusumik minnerusumilluunniit katersunnermut, aaqqissuussinernut, pisusanut il.il. atatillugu arlaliunissaannik inerteqquteqarnermut nuna tamakkerlugu nunalluunniit ilaanut malittarisassanik aalajangersaasinnaapput.

*Imm. 2. Malittarisassat imm. 1 naapertorlugu aalajangersarneqartut illup iluani, silami, pisortat inuillu katerittarnerannut, aaqqissuussinernut pisusanut il.il. tunngasinnaapput.*

*Imm. 3. Malittarisassat imm. 1 naapertorlugu aalajangersarneqartut inatsimmik allamik saneqqutsisinnaapput.*

*Imm. 4. Imm. 1 aamma 2 eqqartuussivinnut Inatsisartunullu kiisalu katersunnernut naalakkersuinikkut allatulluunniit isummersornissamik siunertalinnut atutinngillat.*

*Imm. 5. Naalakkersuisut Tunillaassortunik Nappaalanersuaqneranut Ataatsimiititaliarsuaq siunnersueqatigereerlugu malittarisassanik imm. 1 naapertorlugu aalajangersarneqartunik unioqqutitsisoqannginnissaanut nakkutiliinissaq siunertaralugu eqqartuussiviit akuersiteeqqaarnagit ininut piffinnullu allanut isersinnaanermut malittarisassanik aalajangersaasinnaapput.*

*Sumiiffinni aalajangersimasuniinnissamut inerteqquteqarneq*

**§ 21.** Inuit sumiiffimi ataatsimi ataatsimoornissaannut inerteqquteqarneq pillugu malittarisassanik § 20, imm 1 naapertorlugu aalajangersaasoqarsimappat, Naalakkersuisut malittarisassani taakkunani sumiiffit nalinginnaasumik iserfigineqarsinnaasuni aalajangersimasumiinnissamut inerteqquteqarsinnaavoq, matumanii sumiiffimi tassani nappaammik inuaqatigiinnut aarlerinartorsiortitsisumik tuniluuttoqaratarnissaata pinaveersaartinnissaanut tamanna pisariaqartutut Nunatta Nakorsaneqarfianit nalilerneqarpat. Oqaaseqatigiit siullit malillugit inerteqquteqarnermi sumiiffimi pineqartumi angallanneq nalinginnaasoq pineqanngilaq.

*Imm. 2. Imm. 1 malillugu inerteqqut ullut arfineq-marluk tungaannut atuuttussatut nalunaarutigineqassaaq. Inerteqquteqarsinnaanermut piumasaqaatit suli eqqortinneqarpata piffissaq sivitsorneqarsinnaavoq.*

*Inunnut amerlasuunut uppernarsarneqarsimasumik tunillaassorfiusimasumiissimasunut iliuutsit*

**§ 22.** Naalakkersuisut Tunillaassortunik Nappaalanersuaqarneranut Ataatsimiititaliarsuaq siunnersueqatigereerlugu inuit sumiiffimmi aalajangersimasumiissimasut, katersuunterni, aaqqissuussinerni, pisuni assigisaanniluunniit peqataasimasut, sumiiffigisimasaanni peqataaffigisimasaannilu nappaammik inuiaqatigiinnut aarlerinartorsiortitsisumik uppernarsarneqarsimasumik tunillaasoqarsimappat, peqqissaanermik suliaqartumit misissortinnissaat imaluunniit pisariaqarpat inissiivimmum naleqquttumut mattunnissaat pillugit malittarisassanik aalajangersaasinnaapput.

*Sumiiffimmik matusineq*

**§ 23.** Naalakkersuisut Tunillaassortunik Nappaalanersuaqarneranut Ataatsimiititaliarsuaq siunnersueqatigereerlugu sumiiffinnik, nappaatip inuiaqatigiinnut aarlerinartorsiortitsisup atuuffianik, imaluunniit nappaatip taama ittup atuuffiulernissaanik equnneqarnissaanilluunniit aarlerinartorsiortiulluinnartumik piffissami aalajangersimasumi matusisoqarnissaanik peqqusinnaapput, taamaalilluni inoqatinik atassuteqartarnerit pisariaqarfisigut pinngitsoortinniarneqassallutik, taamaattorli § 19, imm. 2 takuuk.

*Imm. 2. Imm. 1 malillugu matusinissamik peqqussut ulla arfineq-marluk tungaannut atuuttussatut nalunaarutigineqassaaq. Peqqussuteqarnissamut piumasaqaatit suli eqqortinneqarpata peqqussutip atuunnera sivitsorneqarsinnaavoq.*

*Imm. 3. Naalakkersuisut imm. 1 malillugu peqqussutinik nalunaaruteqarsinnaanermut pisinnaatitaaneq pillugu malittarisassanik erseqqinnerusunik, matumani sumiiffiup killilersoqqissaarneranik aalajangersaasinnaapput. Naalakkersuisut inunnut, sumiiffimmi najugalinnut sumiiffimiittunulluunniit, inerteqquteqarnerit pillugit malittarisassanik aalajangersaasinnaapput.*

*Napparsimavinnut, paaqqutarisariaqartut angerlarsimaffiinut, najugaqarfinnut paaqqinniffiusartunut, il.il. pulaartut isersinnaanerannut killilersuinerit inerteqquteqarnerilluunniit.*

**§ 24.** Naalakkersuisut Tunillaassortunik Nappaalanersuaqarneranut Ataatsimiititaliarsuaq siunnersueqatigereerlugu, pulaartut napparsimavinnut katsorsaavinnullu, paaqqutarisariaqartut angerlarsimaffiinut, inissianut paaqqinnittarfinnut, oqilisaaffinut, inissiivinnut, najugaqarfissatut neqeroorutinut assigisaannullu pisortat namminersortullu pigisaannut isersinnaanerannik killilersuinermut, inerteqquteqarnermut, taakkununngalu immikkut ilaatinneqartussaanngitsut pillugit nuna tamakkerlugu nunalluunniit ilaanut malittarisassanik aalajangersaasinnaapput. Oqaaseqatigiit siulliit malillugit killilersuinerit inerteqquteqarnerillu nappaatinut inunnut nalinginnaasumik ulorianartunut aamma aalajangersarneqarsinnaapput, § 19, imm. 2 takuuk.

*Imm. 2. Malittarisassat imm. 1 naapertorlugu aalajangersarneqartut malittarisassanik inatsisimmi allami aalajangersarneqartunik imaluunniit inatsit alla naapertorlugu aalajangersarneqartunik sanioqqutsisinnaapput.*

*Pisortat ingerlatsiviinik, inissiiviinik assigisaannillu atuisinnaanermut taakkununngaluunniit isersinnaanermut killilersuinerit inerteqquteqarnerluunniit*

**§ 25.** Naalakkersuisut Tunillaassortunik Nappaalanersuaqarneranut Ataatsimiititaliarsuaq siunnersueqatigereerlugu pisortat ingerlatsiviinut, inissiiviinut assigisaannullu isersinnaanermik inerteqquteqarnermut killilfersuinerlugu ilanngullugu nunalluunniit ilaant piffissami aalajangersimasumi malittarisassanik aalajangersaasinnaapput. Imm. 1 malillugu killilfersuinerit inerteqquteqarnerillu nappaatinut inunnut nalinginnaasumik ulorianartunut aamma aalajangersarneqarsinnaapput, § 19, imm. 2 takuuk.

*Imm. 2.* Malittarisassat imm. 1 naapertorlugu aalajangersarneqartut malittarisassanik inatsisimmi allami aalajangersarneqartunik imaluunniit inatsit alla naapertorlugu aalajangersarneqartunik sanioqqutsisinnaapput.

*Ulluunerani paaqqinnittarfinnik, atuarfinnik ilinniarfeqarfinnillu allanik atuisinnaanermik taakkununngaluunniit  
isersinnaanermut killilfersuinerit inerteqquteqarnerluunniit*

**§ 26.** Naalakkersuisut Tunillaassortunik Nappaalanersuaqarneranut Ataatsimiititaliarsuaq siunnersueqatigereerlugu pisortat namminersortullu ulloq unnuarlu paaqqinnittarfinnik, atuarfinnik ilinniarfeqarfinnillu allanik atuinermut taakkununngaluunniit isersinnaanermut killilfersuinermut inerteqquteqarnermulluunniit, nuna tamakkerlugu nunalluunniit ilaant piffissami aalajangersimasumi malittarisassanik aalajangersaasinnaapput. Imm. 1 malillugu killilfersuinerit inerteqquteqarnerillu nappaatinut inunnut nalinginnaasumik ulorianartunut aamma aalajangersarneqarsinnaapput, § 19, imm. 2 takuuk.

*Imm. 2.* Naalakkersuisut Tunillaassortunik Nappaalanersuaqarneranut Ataatsimiititaliarsuaq siunnersueqatigereerlugu ilinniarfeqarfimmik aalajangersimasumik, imm. 1-imi ilaatinneqanngitsumik atuisinnaanermut tassungaluunniit isersinnaanermut killilfersuinermik inerteqquteqarnermulluunniit, piffissami aalajangersimasumi malittarisassanik aalajangersaasinnaapput.

*Imm. 3.* Naalakkersuisut pisuni imm. 1-imi aamma 2-mi pineqartuni immikkut ittumik iliuuseqarnissamut malittarisassanik aalajangersaasinnaapput, tassunga ilanngullugit pisariaqavissumik paarsisoqarnissaq, pisariaqavissumik atuartitsinissaq, uppermarsaatit, misilitsinnerit, soraarummeernerit, ilitsersuisarnerit tigusisarnerillu, ikorsiissutit, akiliuteqartarnerit, tapiissutit il.il. pillugit malittarisassat.

*Imm. 4.* Malittarisassat imm. 1 - 3 tunngavigalugit aalajangersarneqartut inatsimmik allamik saneqqutsisinnaapput.

*Tamanik angallassisutinut isersinnaanermut killilfersuinerit inerteqquteqarnerillu*

**§ 27.** Naalakkersuisut Tunillaassortunik Nappaalanersuaqarneranut Ataatsimiititaliarsuaq siunnersueqatigereerlugu angallassisutinut isersinnaanermik killilfersuinermut inerteqquteqarnermulluunniit malittarisassanik, tassunga ilanngullugu ilaasut amerlanerpaffissaat pillugit, nuna tamakkerlugu nunalluunniit ilaant piffissami aalajangersimasumi malittarisassanik aalajangersaasinnaapput.

*Imm. 2.* Malittarisassat imm. 1 naapertorlugu aalajangersarneqartut inatsimmik allamik saneqqutsisinnaapput.

*Ininik piffinnillu allanik, inuit inatsisitigullu pisinnaatitaasut pisussaatitaasullu allat oqartussaaffigaannik aamma tamanit iserfigineqarsinnaasunik atuisinnaanermik taakkunangaluunniit isersinnaanermik killilfersuinerit inerteqquteqarnerluunniit*

**§ 28.** Naalakkersuisut Tunillaassortunik Nappaalanersuaqarneranut Ataatsimiititaliarsuaq siunnersueqatigereerlugu, napparsimmavinnut, katsorsaavinnut, angerlarsimaffinnut paaqqutarinniffiusunut, inissianut paaqqinittarfiusunut, oqilisaaffinnut, inissiivinnut, najugaqarfissatut neqeroorutinut assigisaannullu pisortat namminersortullu pigisaannut pulaartut isersinnaanerannik killilfersuinermut, inerteqquteqarnermut, taakkunungalu immikkut ilaatinneqartussaanngitsut pillugit nuna tamakkerlugu nunalluunniit ilaanut malittarisassanik aalajangersaasinnaapput.

*Imm. 2. Malittarisassat imm. 1 naapertorlugu aalajangersarneqartut inatsimmik allamik saneqqutsisinnaapput.*

*Inini tamanit iserfigineqarsinnaasuni nammineq atortunik illersuutinillu tunillaassuunnaveersaatinik atuineq*

**§ 29.** Naalakkersuisut Tunillaassortunik Nappaalanersuaqarneranut Ataatsimiititaliarsuaq siunnersueqatigereerlugu nammineq atortunik tunillaassuunnaveersaatinik atuinissamut malittarisassanik, tassunga ilangullugu inini tamanit iserfigineqarsinnaasuni nammineq atortunut tunillaassuunnaveersaatinut piumasaqaatit pillugit malittarisassanik, nuna tamakkerlugu nunalluunniit ilaanut, piffissami aalajangersimasumi malittarisassanik aalajangersaasinnaapput.

**§ 30.** Kapitali manna malillugu inerteqquteqarneq peqqussuteqarnerlu pillugit malittarisassat maleruarneqarnissaat qulakteerniarlugu malittarisassat atuuttut naapertorligit politiit pissaanermik pisarialimmik atuisinnaapput.

## Kapitali 5

*Nappaatit tunillaassortut nunamut maanga equnneqarneranni iliuusissat*

**§ 31.** Umiarsuarmi inunnik, nappaammik inunnut nalinginnaasumik uloriarnartumik imaluunniit inuiaqatigiinnut aarlerinartorsiortitsisumik napparsimasunik imaluunniit nappaammik taama ittumik tunillatsissimasorisanik ilaasoqarpat imaluunniit umiarsuarmi pissutsit allat tunillaassuunnerup siaruarnissaanut aarlerinartorsiortitsippata, umiarsuup Kalaallit Nunaannut tikinnerani aquttup umiarsuarmilu nakorsaqarpat nakorsap umiarsualivimmi oqartussat aqqutigalugit Nunatta Nakorsaneqarfia nalunaarfigissavaat.

*Imm. 2. Nunatta Nakorsaneqarfia umiarsuarmik ingerlatsisoq aamma umiarsuarmi nakorsaqarpat paasissutissanik tunillaassuunnerup siaruarnissaanut aarlerinartorsiortitsinissamut pingaarutilinnik piumaffigisinnavaa tunniusseqqullugu.*

*Imm. 3. Naalakkersuisut Nunatta Nakorsaneqarfia siunnersueqatigereerlugu paasissutissat sorliit imm. 1 naapertorlugu nalunaarutigineqassanersut qanorlu nalunaarutigineqassanersut pillugit malittarisassanik erseqqinnerusunik aalajangersaasinnaapput.*

*Imm. 4. Naalakkersuisut Tunillaassortunik Nappaalanersuaqarneranut Ataatsimiititaliarsuaq siunnersueqatigereerlugu umiarsuit, nunanit aalajangersimasunit tikittut imaluunniit aalajangersimasumik*

ingerlaarfillit kiisalu ilisimasortat angallataat, angallatit aalisariutit angallatillu mikinerusut imm. 1 malillugu nalunaartussaatitaanermik saneqqussisinnaanerat pillugu malittarisassanik aalajangersaasinnaapput.

**§ 32.** Timmisartumi inunniq, nappaammik inunnut nalinginnaasumik uloriarnartumik imaluunniit inuaqatigiinnut aarlerinartorsiortitsisumik napparsimasunik imaluunniit nappaammik taama ittumik tunillatsissimasorisanik ilaasoqarpal imaluunniit timmisartumi pissutsit allat tunillaassuunnerup siaruarnissaanut aarlerinartorsiortitsippata, timmisartup Kalaallit Nunaannut tikinnissaa sioqqullugu aquttup imaluunniit taassuma piginnaatitaata Nunatta Nakorsaaneqarfia nalunaarfingissavaat.

*Imm. 2.* Nunatta Nakorsaaneqarfia timmisartumik ingerlatsisoq taassumaluunniit piginnaatitaa imm. 1 malillugu paasissutissanik nalunaarutiginninnermut pingaarutilinnik piumaffigisinnavaa tunniusseqqullugu.

*Imm. 3.* Naalakkersuisut Nunatta Nakorsaaneqarfia siunnersueqatigereerlugu paasissutissat sorliit imm. 1 naapertorlugu nalunaarutigineqassanersut qanorlu nalunaarutigineqassanersut pillugit malittarisassanik erseqqinnerusunik aalajangersaasinnaapput.

*Imm. 4.* Naalakkersuisut Tunillaassortunik Nappaalanersuaqarneranut Ataatsimiititaliarsuaq siunnersueqatigereerlugu timmisartut, nunanit aalajangersimasunit tikittut imaluunniit aalajangersimasumik ingerlaarfillit imm. 1 malillugu nalunaartussaatitaanermik saneqqussisinnaanerat pillugu malittarisassanik aalajangersaasinnaapput.

**§ 33.** Umiarsuarmi timmisartumiluunniit inunniq, nappaammik inunnut nalinginnaasumik uloriarnartumik imaluunniit inuaqatigiinnut aarlerinartorsiortitsisumik napparsimasunik imaluunniit nappaammik taama ittumik tunillatsissimasorisanik ilaasoqarpal imaluunniit timmisartumi pissutsit allat tunillaassuunnerup siaruarnissaanut aarlerinartorsiortitsippata, Nunatta Nakorsaaneqarfia naapeqateqarsinnaanerup akuerineqarneranik nalunaartinnagu nunami inunniq naapeqateqartoqaaqqaanngilaq, taamaattorli takuu § 37, imm. 1.

*Imm. 2.* Nakorsaaneqarfia up imm. 1 malillugu nunami imaluunniit timmisartoqarfia up avataani imaluunniit angallassisutip tikittarfiani, ikiartortarfia up aallartarfiallu avataani inunniq killeqanngitsumik naapeqateqarsinnaanerup akuerineqarneranik nalunaarnissamut piumasaqaatitut ukua aalajangersarsinnaavai:

- 1) ilaasut angallammilu inuttat misissortissasut,
- 2) ilaasut angallammilu inuttat misissortinnermit inernerup takkunnissaata tungaanut mattusimassasut, imaluunniit
- 3) pisariaqarpal pineqartoq napparsimmavimmut imminut unitsilluni misissugaritissasoq.

*Imm. 3.* Imm. 1 malillugu umiarsuarmik timmisartumiluunniit atuisinnaasup umiarsuarmut timmisartumulluunniit inuit akuersissuteqaaqaratik iserpata akisussaasup tassannga toqqaannartumik aningaasartuutit akilissavai, peqatigisinnaneranut akuersisummik tunniussisoqannginnerani.

*Imm. 4.* Maleruagassat atuuttut naapertorlugit politiit imm. 1-ip aamma 2-p malinneqarnissaat qulakkeerniarlugu piumaffigineqarnermikkut ikuutissapput.

*Imm. 5.* Naalakkersuisut Tunillaassortunik Nappaalanersuaqarneranut Ataatsimiititaliarsuaq siunnersueqatigereerlugu umiarsuarmi timmisartumiluunniit nunami allami umiarsualivimmit imaluunniit Danmarkimi Savalimmiuniluunniit umiarsualivimmit tikittuni ilaasut, nunami inunniq imaluunniit

timmisartoqarfip avataani imaluunniit angallassisutip tikittarfiani, ikiartortarfip aallartarfiullu avataani naapeqateqaqqusaannginnerannut malittarisassanik aalajangersaasinnaapput.

**§ 34.** Naalakkersuisut Tunillaassortunik Nappaalanersuaqarneranut Ataatsimiititaliarsuaq siunnersueqatigereerlugu malittarisassanik aalajangersaasinnaapput, inuit nunanit sumiiffinniilluunniit aalajangersimasunit tikittut aamma nappaammik inuiaqatigiinnut aarlerinartorsiortitsisumik tunillatsissimasorisat, nunamut angalannginnermi imaluunniit nunamut tikinnermut atatillugu:

- 1) nappaammik erseqqinnerusumik aalajangersarneqartumik, inuiaqatigiinnut aarlerinartorsiortitsisumik nappaateqannginnermut uppermarsaammik nassiuissasut takutitsissasulluunniit,
- 2) nappaammik erseqqinnerusumik aalajangersarneqartumik, inuiaqatigiinnut aarlerinartorsiortitsisumik nappaateqannginnermut uppermarsaammik nassiuissasut takutitsissasulluunniit,
- 3) nappaammik inuiaqatigiinnut aarlerinartorsiortitsisumik napparsimanerlutik misissortissasut,
- 4) misissortinnermit inernerup takkunnissaata tungaanut mattusimassasut, imaluunniit
- 5) pisariaqarpat pineqartoq napparsimmavimmut imminut unitsilluni misissugaritissasoq.

**§ 35.** Naalakkersuisut Tunillaassortunik Nappaalanersuaqarneranut Ataatsimiititaliarsuaq siunnersueqatigereerlugu nappaammik inunnut nalinginnaasumik ulorianartumik inuiaqatigiinnulluunniit aarlerinartorsiortitsisumik eqqussisoqarnissa siaruattoqarnissaalu pinaveersaartinniarlugit usinut, nassatanut allakkanullu iliuutsit sorliit aallartinneqassanersut pillugit malittarisassanik aalajangersaasinnaapput.

**§ 36.** Naalakkersuisut Tunillaassortunik Nappaalanersuaqarneranut Ataatsimiititaliarsuaq siunnersueqatigereerlugu teriarsuit, kikkaasut imaluunniit tunillannartullit allat nappaammik inuiaqatigiinnut aarlerinartorsiortitsisumik nunamut nunamiilluunniit tunillaanissaat pinngitsoortinniarlugi iliuutsit suut aallartinneqassanersut pillugit malittarisassanik aalajangersaasinnaapput. Naalakkersuisut tamatumani umiarsualivinni aamma timmisartoqarfinni oqartussat uumasupiluaasartunik assigisaannilluunniit erseqqinnerusumik aalajangersarneqartunik iliuuseqartitsisinnaanerannik aalajangersaasinnaapput.

*Imm. 2.* Naalakkersuisut teriarsuarnik imaluunniit kikkaasunik tunillannartulinnillu allanik nungusaanermut misissuinermallu aningaasartuutit umiarsuarmik timmisartulluunniit atuisuutitaasunit akilerneqarnissaat pillugit malittarisassanik aalajangersaasinnaapput.

**§ 37.** Umiarsuarmik timmisartumilluunniit atuisuutitaasut Nunatta Nakorsaneqarfiata naliliinera malillugu napparsimasunik timinilluunniit toqungasunik niusiartuinnarlutik tulaassisut imaluunniit mittarfimmur mitsiartumik piginnittup Inatsisartut inatsisaat tunngavigalugu iliuutsinut aningaasartuutaasinnaasut akilissavaat, nakorsap misissuineranut inuullu misissornejartup peqqissusiata qanoq issusianik pisariaqartumik misissuineranut tapertaasunut allanut aningaasartuutit taamaallaat pinnagit. Aalajangersagaq nappaatinut inunnut nalinginnaasumik ulorianartunut inuaqatigiinnullu aarlerinartorsiortitsisunut atuuppoq.

*Imm. 2. Imm. 1-imi taaneqartunik pisoqartillugu napparsimasut katsorsarneqarnerinut paqqutarineqarnerinullu kiisalu toqusut ilineqarnerinut, toqusut timaannik ikuallaanermut imaluunniit ilisiffissamut assartuinermut aningaasartuutit umiarsuarmik timmisartumilluunniit atuisuutitaasup*

akilissavai. Inuilli Kalaallit Nunaanni najugalittut nalunaarsorneqarsimasut inunnut Kalaallit Nunaanni aalajangersimasumik najugalittut malittarisassanut atuuttunut ilaapput.

*Imm. 3. Aqqutissaaruttoornermi iliuutsinut Inatsisartut inatsisaat naapertorlugu aallartinneqartunut aningaasartuutit sapinngisamik usit ingerlaqqinngitsoortut nalinginit matussuserneqartassapput.*

*Imm. 4. Imm. 1 malillugu umiarsuarmik timmisartumilluunniit atuisinnaasup umiarsuarmut timmisartumulluunniit imm. 1 naapertorlugu Nunatta Nakorsaaneqarfianit akuersissuteqaqqaratik inuit iserpata akisussaasup tassannga toqqaannartumik aningaasartuutit akilissavai peqatigisinnaaneranut akuersisummik tunniussisoqannginnerani.*

## Kapitali 6

*Tunillaassuunnerup iliuuseqarfinginissa, timimik toqungasumik pilattaalluni misissuinissaq il.il. siunertaralugit iliuusissat*

**§ 38.** Naalakkersuisut Tunillaassortunik Nappaalanersuaqneranut Ataatsimiititaliarsuaq siunnersueqatigereerlugu tunillannartumik nappaammik tunillaassortuminngaanneersumik, Inatsisartut inatsisaanni matumani pineqartumik eqqussineq, niueruteqarneq, suliarinninneq, toqqorsineq annissinerlu pillugit malittarisassanik aalajangersaasinnaapput.

**§ 39.** Naalakkersuisut Nunatta Nakorsaaneqarfia siunnersueqatigereerlugu siunertat § 1-imik taaneqartut isumagineqarnissaannut tunngatillugu timinik toqungasunik nappaammik inunnut nalinginnaasumik ulorianartumik inuaqatigiinnulluunniit aarlerinartorsiortitsisumik tunillatsissimasumik eqqussineq annissinerlu kiisalu taakku nunami maani suliarineqarnerat assartornerilu pillugit malittarisassanik erseqqinnerusunik aalajangersaasinnaapput.

**§ 40.** Nunatta Nakorsaaneqarfia toqusqarnerani nappaammik inunnut nalinginnaasumik ulorianartumik inuaqatigiinnulluunniit aarlerinartorsiortitsisumik toqquteqartoqarnera pasitsaanneqarpata paasineqarpalluunniit, timimik toqungasumik pilattaanikkut pisariaqartutut misissuisoqarnissaanik peqqusisinnaavoq:

- 1) toqqutaata nappaammik nalinginnaasumik inunnut navianartumik inuaqatigiinnulluunniit aarlerinartorsiortitsinera qularnaatsumik aalajangerniarlugu, imaluunniit
- 2) nappaatip nalinginnaasup inuaqatigiinnulluunniit aarlerinartorsiortitsisup ingerlarnga, ineriertornera, pissusaa, ilisarnaataa ertiutaaluunniit pillugit ilisimasanik pingaarutilinnik pissarsiniarnermi.

*Imm. 2. Nunatta Nakorsaaneqarfia sapinngisamik piaernerpaamik timimillu toqungasumik pilattaalluni misissuisoqartinnagu, toqusup qanignerpaasaanut toqungasup timaanik pilattaalluni misissuisoqartussaanera pillugu ilisimatitsissaaq.*

**§ 41.** Nunatta Nakorsaaneqarfia tuniluuttup suussusia, pilerfia siammaassimassusialu qularnaatsumik paasiniarlugu iliuuserisassatut pisariaqartutut nappaammik tunillaassortitsisumik uumasuaqqanik tappiorannartoqarneranik taakkuluunniit assigisaannik misissuinernik aallartitsisinaavoq.

**§ 42.** Suliffeqarfip inuussutissanik nioqqutissiorneratigut nioqqutissiaminillu siammerterineratigut nappaammik inunnut nalinginnaasumik ulorianartumik inuaqatigiinnulluunniit aarlerinartorsiortitsisumik

tunillaassuunnerup siammaanneqarnissaa aarlerinaateqarpat, tunillaassuunnerup unitsinnissaa siunertaralugu pisariaqarpat, Naalakkersuisut Tunillaassortunik Nappaalanersuaqarneranut Ataatsimiititaliarsuaq siunnersueqatigereerlugu, suliffeqarfik pineqartoq tamakkiisumik ilaannakortumilluunniit matuneqarnissaanik peqqussuteqarniarlutik imaluunniit inuup tunillannartumik timimiullip suliffeqarfimmut isernissaanik inerteqquteqarniarlutik aalajangersinnaapput.

## Kapitali 7

*Paasissutissiisussaatitaanerit aamma nappaatit tunillaassortut il.il. siaruannerannik paasinianermut nakkutilliinermullu atatillugu inuit pillugit paasissutissanik sularineqartarneq*

*Inunnut inatsisitigullu pisinnaatitaasunut pisussaatitaasunullu paasissutissiisarnissamut pisussaaffeqarneq*

**§ 43.** Inuit Nunatta Nakorsaaneqarfianit qinnuigineqarnermikkut inuit pillugit paasissutissanik attuumassutilinnik, tassunga ilanggullugit nunami nunaniluunniit allani najugaqarfisimasatik pillugit paasissutissanik kiisalu inuit qanimut naapissimasami attaveqarfissatut paasissutissaannik kiisalu atiinik tunniussinissamik pisussaaffeqarput. Nunatta Nakorsaaneqarfia nappaatip inunnut nalinginnaasumik ulorianartup inuiaqatigiinnulluunniit aarlerinartorsiortitsisup siaruatsaaliniarneranut tunillaassornissaatalu pinaveersaartinnissaanut aatsaat pisariaqarpat, oqaaseqatigiit siullit malillugit paasissutissanik qinnuiginnissinnaapput.

*Imm. 2. Peqqissaanermik suliaqartut napparsimasumik Nunatta Nakorsaaneqarfia Inatsisartut inatsisaanni kapitali 3 naapertorlugu iliuuseqartoqarnissaanik aalajangernissaanut attuumassuteqarsinnaasutut nalilersoqqissaarneqartumik immikkut ittumik aarlerinartumik pissusilersortumik ilisimannilerunik, inuit pillugit paasissutissanik attuumassutilinnik Nunatta Nakorsaaneqarfianut ingerlatitseqqissallutik pisussaatitaapput, tassunga ilanggullugit peqqissuseq pillugu paasissutissat aamma pissusilersorneq pillugu paasissutissat.*

*Imm. 3. Nunatta Nakorsaaneqarfia Inatsisartut inatsisaanni kapitali 3 naapertorlugu iliuutsinik aalajangiinissaanut napparsimasut pillugit nalunaarsuiffinnit il.il. aamma isumassuineq pillugu nalunaarsuiffinnit paasissutissat pisariaqarpata, oqartussat, paaqqinnittarfiit peqqissaanermillu suliaqartut Nunatta Nakorsaaneqarfianit qinnuigineqarnermikkut paasissutissanik taakkunannga ingerlatitseqqinnissamik aamma pisussaatitaapput.*

*Imm. 4. Inatsisitigut pisinnaatitaasut pisussaatitaasullu Nunatta Nakorsaaneqarfianit qinnuigineqarnermikkut sulisut, ilaasortat, pulaartut il.il. attaveqarfissatut paasissutissaannik kiisalu ingerlaarfii pillugit paasissutissanik attuumassutilinnik tunniussissallutik pisussaatitaapput. Nunatta Nakorsaaneqarfia nappaatip inunnut nalinginnaasumik ulorianartup inuiaqatigiinnulluunniit aarlerinartorsiortitsisup siaruarnissaata tunillaassuunnissaatalu pinaveersaartinnissaannut pisariaqarpat imm. 1 malillugu paasissutissanik kisimi qinnuiginnissinnaavoq. Nunatta Nakorsaaneqarfia taamaallaat inuit pillugit paasissutissat taama ittut pigineqarpata taakkunannga qinnuiginnissinnaavoq.*

**§ 44.** Inuk ilaasoq nappaammik inunnut nalinginnaasumik ulorianartumik inuiaqatigiinnulluunniit aarlerinartorsiortitsisumik napparsimappat imaluunniit nappaammik taama ittumik tunillatsissimasorneqarpat, Nunatta Nakorsaaneqarfianit qinnuiginnittoqarneratigut ilaasut allattorsimaffiannik paasissutissat inuttallu pillugit paasissutissat pigineqarpata, paasissutissat taakkua

timmisartumut umiarsuarmulluunniit akisussaasuuusup imaluunniit taassuma piginnaatitaata tunniutissavai.

*Imm. 2. Naalakkersuisut imm. 1 naapertorlugu paassisutissat suut taakkulu qanoq tunniunneqarnissaat pillugit malittarisassanik erseqqinnerusunik aalajangersaasinnaapput.*

*Nappaatinut tunillaassortunut tunngatillugu nalunaaruteqartarnermik aaqqissuussaq*

**§ 45.** Naalakkersuisut peqqissaanermik suliaqartut akuerisat inuillu imaluunniit suliffeqarfuit, laboratoriami misissueqqissaarnermik ingerlatsisut inuit pillugit paassisutissanik, nappaatinut tunillaassortunut, Inatsisartut inatsisaanni § 2-mi pineqartunut tungassutilinnik Nunatta Nakorsaaneqarfianut ingerlatitseqqinnissamik akisussaaffeqarnerat pillugu malittarisassanik aalajangersaasinnaapput.

*Imm. 2. Naalakkersuisut peqqissaanermik suliaqartut akuerisat inuillu imaluunniit suliffeqarfuit, sumiiffimmi allami laboratoriami misissueqqissaarnermik ingerlatsisut, misissuinermi atortunik, imaluunniit virusit geniinik misissueqqissaarnermit (helgenomsekventering) imaluunniit misissuinermit atortunik misissueqqissaarnernit assingusunit inernernik, inuup nappaammik Inatsisartut inatsisaanni § 2-mi pineqartumik napparsimaneranik takutitsisunik Nunatta Nakorsaaneqarfianut ingerlatitseqqinnissaannut malittarisassanik aalajangersaasinnaapput.*

*Oqartussat akornanni inuit pillugit paassisutissanik paarlasseqatigiinneq*

**§ 46.** Nunatta Nakorsaaneqarfia tuniluunnerup paasiniarneqartarnera pillugu Statens Serum Institutimik oqartussanillu allanik attuumassuteqarsinnaasunik isumaqatigiissusiorsinnaavoq. Nunatta Nakorsaaneqarfia inuit nappaammik § 2-mi pineqartumik tunillatsissimasut tunillatsinnerisa paasiniarnissaanut atatillugu inuit pillugit paassisutissanik suliaqassaaq tigusisarlunilu imaluunniit ingerlatseqqillugit, inuit pillugit paassisutissat tullinguuttumi allassimasut:

- 1) inuup normua imaluunniit paassisutissat allat kinaassutsimut tunngasut.
- 2) Tunillaassuunnerup pilerfiatut ilimagineqartoq.
- 3) Tunillatsissimasup nunami allamiiffisaa.
- 4) Tunillatsissimasup timmisartumik angalaneri.
- 5) Tunillatsissimasup ilisimatitsissutigisaatut qanimut attaveqarfingisimasat amerlassusaat.

*Imm. 2. Nunatta Nakorsaaneqarfia imm. 1 malillugu paassisutissat, Statens Serum Institutip nappaatinik tunillaassortunik, Inatsisartut inatsisaanni § 2-mi pineqartunik pinaveersaartitsinermut akiuniarnermullu sorianik isumaginninneranut pisariaqarpata taamaallaat tunniutissavai.*

**§ 47.** Nunatta Nakorsaaneqarfia inuit pillugit paassisutissat pisariallit, tassunga ilanngullugit peqqissuseq pillugu paassisutissat, Nunatta Nakorsaaneqarfia kommunimi pineqartumi innuttaasut kapitali 3 malillugu iliuutsinut kajumissutsiminnik suleqataanissaannik kajumissaarineranik kommunalbestyrelsip ikuunnissaa siunertalarugu pisariaqarpat sumiiffimmi kommunalbestyrelsimit taamaallaat ingerlateqqissinnavai.

*Imm. 2. Sumiiffimmi kommunalbestyrelsip inuit pillugit paassisutissat, tassunga ilanngullugit peqqissuseq pillugu paassisutissat Nunatta Nakorsaaneqarfianit qinnuiginnittoqarneratigut ingerlateqqissavai.*

Nunatta Nakorsaaneqarfia oqaaseqatigiit siullit malillugit paassisutissanik taamaallaat qinnuiginnissinnaavoq, Nunatta Nakorsaaneqarfia tuniluunnerup paasiniarneranik suliaqarneranut atugassatut imaluunniit Nunatta Nakorsaaneqarfia Inatsisartut inatsisaanni kapitali 3 malillugu iliusissanik aalajangernissaanut atugassatut pisariaqarpata.

**§ 48.** Nunatta Nakorsaaneqarfia ateq paassisutissallu inuup nappaammik inunnut nalinginnaasumik ulorianartumik inuaqatigiinnulluunniit aarlerinartorsiortitsisumik tunillatsissimaneranut tunngasut, pisortat namminersortulluunniit suliffeqarfiannut, tunillatsissimasup najugarisaanut orniguffigisartagaanulluunniit, suliffeqarfimmi tassani tunillatsissimasumik paasisaqartoqarpat, suliffeqarfiullu nappaammik inunnut nalinginnaasumik ulorianartumik inuaqatigiinnulluunniit aarlerinartorsiortitsisumik siaruatsaaliuinissamut tunillatsittoqarnissaanillu pinaveersaartitsinissamut iliusissanik pisarialinnik aalajangiinissaanut pisariaqarpata ingerlateqqissinnaavai.

*Inuit pillugit paassisutissanik suliaqarnermut tunngatillugu piginnaatitsinissamut aalajangersagaq*

**§ 49.** Naalakkersuisut nappaatip inunnut nalinginnaasumik ulorianartup erseqqinnerusumik aalajangersarneqartup inuaqatigiinnulluunniit aarlerinartorsiortitsisup, Inatsisartut inatsisaanni § 2-mi pineqartut siaruarnissaasa pinaveersaartinnissaannut inuit pillugit paassisutissat suliarinissaat pisariaqarpat, suliarineqarsinnaanerannut malittarisassanik aalajangersaasinnaapput.

*Imm. 2. Malittarisassat imm. 1 naapertorlugu aalajangersarneqartut inuit pillugit paassisutissanik suliarinninnermut malittarisassanik inatsimmi allami aalajangersarneqartunik inatsilluunniit alla naapertorlugu aalajangersarneqartunik saneqqutsisinnaapput.*

## Kapitali 8

*Pisortat pisussaaffimminnik saneqqutsinerat aamma inatsisit allat naapertorlugit inuit pisinnaatitaaffi kiisalu pilersuinerterk qulakkeerinninneq*

**§ 50.** Naalakkersuisut nappaatip inuaqatigiinnut aarlerinartorsiortitsisup kingunerisaanik inunnik tassanngaannartumik katsorsartariaqartunik imaluunniit katsorsarneqarnissamik pisariaqartitsivissortunik katsorsaanissamut paaqqinninnissamullu isumalluutit naammannissaannik qulakkeerinninissamut pisariaqarpat, pisortat tamanut pisussaaffinik aamma innuttaasut pisinnaatitaaffinik, inatsimmi allami, inatsit alla naapertorlugu imaluunniit inatsit alla naapertorlugu pisortanit aalajangiinerit naapertorlugit aalajangersarneqartunik saneqqussisinnaanermut nuna tamakkerlugu nunalluunniit ilaanut piffissami aalajangersimasumi malittarisassanik aalajangersaasinnaapput.

*Imm. 2. Naalakkersuisut piumasaqaatinik inatsimmi allami imaluunniit inatsit alla naapertorlugu aalajangersarneqartunik saneqqussinissaq napparsimasut inuttaasullu katsorsarnissaasa, paaqqutarinissaasa inatsimmilu imaluunniit inatsit naapertorlugu pisinnaatitaaffisa allat il.il. qulakkeernissaannut pisariaqarpat, piumasaqaatillu malittarisassat imm. 1 naapertorlugu aalajangersarneqartut kingunerisaannik naammassineqarsinnaanngippata, saneqqussisinnaanermik nuna tamakkerlugu nunalluunniit ilaanut, piffissami aalajangersimasumi malittarisassanik aalajangersaasinnaapput.*

*Imm. 3. Pisinnaatitaaffit pisussaatitaaffillu kiisalu piumasaqaatit pineqartut saneqqunneqarnissaannut tunngavissaaruppat, malittarisassat imm. 1 aamma 2 naapertorlujit atuutilersinneqartut atorunnaarsinneqassapput.*

**§ 51.** Naalakkersuisut nappaatinut inuiaqtigiinnut aarlerinartorsiortitsisunut iliutsit Inatsisartut inatsisaat manna naapertorlugu aalajangerneqartut kingunerisaannik pisussaaffinnik pisinnaatitaaffinnillu, inatsimmi allami, inatsit alla naapertorlugu imaluunniit inatsit alla naapertorlugu pisortanit aalajangiinerit naapertorlujit aalajangersarneqartunik eqqortitsinissaq ajornarsippat imaluunniit ajornakusuulerpat, pisortat namminersortullu pisussaaffiinut pisinnaatitaaffiinullu pisussaaffinnik saneqqussisinnaanermik nuna tamakkerlugu nunalluunniit ilaanut, piffissami aalajangersimasumi malittarisassanik aalajangersaasinnaapput.

*Imm. 2. Pisinnaatitaaffit pisussaaffillu pineqartut saneqqunneqarnissaannut tunngavissaaruppat, malittarisassat imm. 1 naapertorlugu atuutilersinneqartut atorunnaarsinneqassapput.*

**§ 52.** Naalakkersuisut nunami nappaammik inuiaqtigiinnut aarlerinartorsiortitsisumik siaruaattoqarnerani siaruartoqarnissaanillu uloriarnartorsiortoqarnerani, nioqqutissanik pilersuineq qulakkeerniarlugu iliutsinik immikkut ittunik nuna tamakkerlugu nunalluunniit ilaanut, piffissami aalajangersimasumi malittarisassanik aalajangersaasinnaapput.

*Imm. 2. Malittarisassat imm. 1 naapertorlugu aalajangersarneqartut inatsimmik allamik saneqqutsisinnaapput.*

## Kapitali 9

*Piginnaatitsinermik aalajangersakkani Inatsisartut nakkutiginninnerat*

**§ 53.** Naalakkersuisut taamaallaat § 2, imm. 6, § 20, imm. 1 aamma §§ 22, 24-29, § 34 aamma naapertorlujit malittarisassanik aalajangersaasinnaapput, malittarisassat imarisaat Tunillaassortunik Nappaalanersuaqarneranut Ataatsimiititaliarsuarmit inassuteqartoqarneratigut Inatsisartut ataatsimiititaliamik pilersitaannut saqqummiunneqareersimappata aamma ataatsimiititaliaq malittarisassat atuutilersinneqarnissaannut akerliunerarsimanngippata, taamaattorli imm. 2 aamma 3 takukkit.

*Imm. 2. Imm. 1-imi oqaaseqatigiinni siullerni malittarisassanik aalajangersariikkanik atorunnaarsitsineq, sakkukinnerulersitsineq annikitsumillu allannguinerit pineqanngillat.*

*Imm. 3. Inuiaqtigii peqqissusaannut aarlerinarluinnartumik pilertortumillu ularianartorsiortsisoqarpat navianartorsiortsisoqarpalluunniit Naalakkersuisut imm. 1 malillugu ataatsimiititaliamut saqqummiusseqqaanngikkaluarlukit malittarisassat atuutilersissinnaavaat. Taamaattoqassappat Naalakkersuisut malittarisassat atuutilersinnerisa kingorna pisariaqanngitsumik kinguartitsinertaqanngitsumik ataatsimiititaliamut malittarisassat saqqummiutissavaat. Ataatsimiititaliaq tamatuma kingorna malittarisassanut akerliuppat Naalakkersuisut malittarisassat atorunnaarsissavaat.*

*Imm. 4 Naalakkersuisut ataatsimiititaliap malittarisassanut akerliunermik kingusinnerpaamik qaqugu nalunaaruteqarnissaanut piffissaliisinnaapput.*

**§ 54.** Nammineerluni ingerlatsinermigut qinnuigineqarnermigulluunniit Tunillaassortunik Nappaalanersuaqarneranut Ataatsimiitaliajarsuarmi amerlanerussuteqartunit §§ 2, imm. 6, § 20, imm. 1, §§ 22, 24-29, § 34 naapertorlugit malittarisassanik aalajangersaasoqassasoq imaluunniit malittarisassat aalajangersakkat taakku naapertorlugit aalajangersarneqartut atorunnaarsinneqassasut sakkukillineqassasulluunniit inassutigineqarpata, Naalakkersuisullu inassutigineqartumik malinnikkusunngippata, Naalakkersuisut ataatsimiitaliap inassutaa pillugu taannalu Naalakkersuisunit malinneqarusunnginnera pillugit Inatsisartut tamatumunnga ataatsimiitaliaannut sapingisamik sukkannerpaamik ilisimatitsissapput.

*Imm. 2. Imm. 1-imi malittarisassanik aalajangersariikkanik annertuumik allannguinerit pineqanngillat.*

**§ 55.** Naalakkersuisut Tunillaassortunik Nappaalanersuaqarneranut Ataatsimiitaliajarsuup § 2, imm. 6, § 20, imm. 1, §§ 22, 24-29, § 34 naapertorlugit malittarisassanik aalajangersaasoqartariaqarneranik inassutigisaanik nalunaaruteqassapput.

*Imm. 2. Inatsisartut ataatsimiitaliamut pilersitaannut taakku pillugit §§ 53 aamma 54 malillugit saqqummiisoqassappat ilisimatitsisoqassappalluunniit inassuteqaat saqqummiussinerup ilisimatitsinerulluunniit kingorna sapingisamik sukkannerpaamik nalunaarutigineqassaaq, taamaattorli imm. 3 takuuq.*

*Imm. 3. Innuttaasut inuiaqtigijt peqqissusaannut ulorianarsinnaasumik navianarsinnaasumilluunniit iliornissaasa pinaveersaartinnissaat pisariaqarpat § 53 malillugu inassuteqaatinik nalunaaruteqarnissaq inassuteqaammi malittarisassat nassuiarneqartut nalunaarutigineqarnissaasa kingoranut utaqqisinneqarsinnaavoq. Inassuteqaat tamatuma kingorna sapingisamik sukkannerpaamik saqqummiunneqassaaq.*

## Kapitali 10

*Pinngitsaaliisummik taarsiissutitalimmik pigisanik piginnikkunnaarsitsineq*

**§ 56.** Naalakkersuisut Inatsisartut inatsisaat manna malillugu iliuutsit imaluunniit malittarisassat manna naapertorlugu aalajangersarneqartut naamassineqarnissaannut atugassatut pinngitsaaliisummik taarsiissutitalimmik pigisanik arsaarinninnissaq aallartissinnaavaat.

## Kapitali 11

*Naammagittaalliorneq aamma eqqartuussivinnut suliassanngortitsineq*

**§ 57.** Inatsisartut inatsisaat naapertorlugu iliuuseqartoqartillugu, iliuutsillu kiffaanngissusiiinanermik ilaqpata aamma iliuutsinik taama ittunik taamaatitsinissamik qinnuiginnittoqarneranik itigartitsinermi, oqartussat pineqartumut taassumaluunniit sinniisanut Eqqartuussisarneq pillugu inatsimmi malittarisassat malillugit eqqartuussivimmi misiliinissamut ilitsersummi tunniussissapput.

*Imm. 2. Eqqartuussivinni suliassanngortitsinissaq pillugu qinnuiginninermik saqqummiisoqarsimappat oqartussaasut kiffaanngissusiiagaanissamik imaluunniit taassuminnga atorunnaarsitsinissamik aalajangiisut piaartumik, qinnuiginninnerullu saqqummiunneqarneraniit sapingisamik ullut arfineq-marluk qaangiutsinnagit, suliamik Kalaallit Nunaanni Eqqartuussivimmut saqqummiissapput.*

*Imm. 3. §§ 10 – 12 malillugit peqqusinerit, nalunaarutigineqarnerisa kingorna ullut arfineq-marluk qaangiutsinnagit, Nunatta Nakorsaaneqarfianit Kalaallit Nunaanni Eqqartuussivimmut suliassanngortinneqassapput.*

## Kapitali 12

*Uppernarsaatissanik ujaasineq aamma pineqaatissiissutaasinnaasut pillugit aalajangersakkat*

*Uppernarsatinik ujaasineq*

**§ 58.** Inatsisartut inatsisaanni matumani aalajangersakkanik unioqqutitsineq pillugu suliani uppernarsaatissanik ujaasineq Eqqartuussisarneq pillugu inatsimmi malittarisassat naapertorlugit pisinnaavoq.

*Pineqaatissiissutit pillugit aalajangersakkat*

**§ 59.** Pinerluttulerinermi inatsimmi pineqaatissiissutaasinnaasut malillugit uku pineqaatissinneqarsinnaapput:

- 1) peqqussutinik § 9, § 10, imm. 1, § 11, imm. 1, § 12, § 13, imm. 1, § 13, imm. 1 aamma 2 kiisalu § 14, imm. 1 imaluunniit § 23, imm. 1 malillugit nalunaarutigineqartunik malinninngitsoq.
- 2) Inerteqqummik § 15, imm. 1 imaluunniit § 21, imm. 1 naapertorlugit aalajangersakkanik unioqqutitsisoqarpat.
- 3) § 31, imm. 1 aamma 2, aamma § 32, imm. 1 aamma 2 malillugit pisussaaffinnik equuutsitsinngitsoq.
- 4) § 33, imm. 1-2 unioqqutippagu.
- 5) § 42 malillugu peqqussutinik unioqqutitsisoq equuutsitsinngitsorluunniit.
- 6) § 43 imm. imaluunniit § 44 imm. 1-imi malittarisassat aalajangerneqarsimasut malillugit inassutinik equuutsitsinngitsoortoq.

*Imm. 2. Najoqqutassanut Inatsisartut inatsisaat naapertorlugu suliarineqartunut Pinerluttulerinermik Inatsit malillugu pineqaatissiinerit aalajangersarneqarsinnaapput.*

*Imm. 3. Ingerlatseqatigiiffit il.il. (inatsisitigullu pisinnaatitaasut pisussaatitaasullu) Pinerluttulerinermi inatsimmi kapitali 5-imi malittarisassat malillugit pinerluuteqarsimasutut akisussaatinneqarsinnaapput.*

*Imm. 4. Akiliisitsinerit Inatsisartut inatsisaat una taannaluunniit naapertorlugu malittarisassat aalajangersarneqartut naapertorlugit aalajangerneqartut Nunatta Karsiata pisassarissavai.*

## Kapitali 13

*Atuutilersitsinermut aalajangersakkat*

**§ 60.** Inatsisartut inatsisaat 1. juli 2023-mi atuutilissaaq.

*Kalaallit Nunaanni Namminersorlutik Oqartussat, ulloq 13. juuni 2023*

**Múte Bourup Egede (atsior.)**  
Naalakkersuisut Siulittaasuat

**Namminersorlutik Oqartussat**

Imaneq 4  
3900 Nuuk  
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit  
Namminersorlutik Oqartussat inatsisinut toqqorsiviat  
Naalakkersuisut